

Communicaziun a las medias

Premiera da film: A LA SUMBRIVA DAL TAMBORA Il vulcan en Indonesia e la fom en Tujetsch

Cuira, ils 17-10-2017 – Radiotelevision Svizra Rumantscha (RTR) envida a la premiera dal film da Gieri Venzin. Il film «A LA SUMBRIVA DAL TAMBORA» descriva la vita cun fomaz e las strategias per survivor suenter l'explosiun dal vulcan Tambora dal 1815. La premiera ha lieu venderdi, ils 20 d'october 2017 a las 20:00 en la halla polivalenta a Sedrun.

Tge consequenzas ha l'erupziun dal Tambora gi en il Grischun e cun tge strategias han noss perdavants survivi "l'onni senza stad" 1816 e "l'onni da fom" 1817? A basa da funtaunas istoricas ed acts da dretgira anc betg enconuschents, dattan l'istoricher Adolf Collenberg e l'archivar Tarcisi Hendry respostas. En scenas fictivas – giugadas d'acturas ed acturs da la cumpagnia da teater da Rueras e conturn – lascha il film reviver il mintgadi en la sumbriva dal Tambora. En il focus stat la sort dals dus paupers delinquents Onna Maria Beer e Romias Curschellas – omadus Tuatschins, omadus vegnids truids a la mort pervia d'enguladitschs da vivonda.

Igl è stà l'erupziun, la pli gronda dals davos 20'000 onns. L'avrigl 1815 explodescha il vulcan Tambora en l'Indonesia. Da quai da 120'000 persunas vegnan immediat u entaifer curt temp per la vita. Dentant, era il rest dal mund patescha fitg da l'erupziun catastrofala. La tschendra ch'il Tambora bitta en l'aria, sa derasa sur l'entira emisfera dal nord, stgirenta il sulegl e fa sumbriva sin terra. Il clima mundial sfradenta per dus grads. Il 1816 èsi dapertut en l'Europa fraid e bletsch. En il Grischun na datti betg in mais senza naiv. Las racoltas èn miserablas dapertut. I suonda in'enorma chareschia ed il 1817 la gronda fomaz.

L'occurrenza è publica, l'entrada è libra.

Infurmaziun supplementara:

Il film da l'emissiun "Cuntrasts" vegn mussà sco suonda:

dumengia, ils 22-10-2017, 17:25 sin SRF 1

ubain sin www.rtr.ch/play

Repetiziuns:

mesemna, ils 25.10.2017 08:30, 09:30 e 12:50 sin SRF info

gievgia, ils 26.10.2017 11:00 sin SRF info

venderdi, ils 27.10.2017 13:20 sin RSI LA2

sonda, ils 28.10.2017 17:10 sin SRF 1

dumengia, ils 29.10.2017 07:30 sin RSI LA1

mardi, ils 31.10.2017 13:50 sin RTS 2

Dapli infurmaziuns davart las repetiziuns sin www.rtr.ch

Dapli infurmaziuns

Radiotelevision Svizra Rumantscha, Via da Masans 2, 7000 Cuira
Maria Morgenthaler, tel. 081 255 75 75, marina.morgenthaler@rtr.ch